


# S T A T U T

i

## SHOQERISE " A.Bi Esse "



Shoqeria tregtare me pergjegjesi te kufizuar " A.Bi Esse " u krijua ne baze te kontrates per krijimin e saj midis ortakeve:

1. Giuseppe Sarvia, i biri i Giacomas dhe Maries, lindur me 17.07.1956 ne Fossano, banues ne via Chiarini N. 10, CAP 12045, FOSSANO (CN) ITALIA, me pasaporte N. 750619 G.
2. Luigi Trigari, i biri i Alessandros dhe Pasqualines, lindur me 28.05.1955 ne Fossano, banues ne via Lancimano N. 30, CAP 12045, FOSSANO (CN) ITALIA, me pasaporte N. 888096 M.
3. Riko Pilika, i biri i Nikos dhe Elenit, lindur me 06.11.1941 ne Tirane, banues ne rruga Hoxhe Vokri P.19/1 Ap.3, TIRANE SHQIPERI, me pasaporte N. 092709.
4. Robert Dako, i biri i Aleksandrit dhe Rozit, nato il 18.10.1944 ne Tirane, banues ne rruga Tefta Tashko P.22/1 Shk.1 Ap.1, TIRANE SHQIPERI, me pasaporte N. 061750.

Per te bere te mundur aktivitetin ekonomik dhe organizimin e kesaj shoqerie ne mbeshtetje te ligjit n. 7638 dt. 19.11.1992 dhe te ligjit n. 7667 dt. 28.01.1993, pjeset mblidhen per hartimin e ketij statuti, i cili u formua konform ligjit per " Shoqerite Tregtare " me pergjegjesi te kufizuar.

## KAPITULLI I PARE

### DISPOZITAT E PERGJITHSHME

(Formimi, emertimi, objekti, kohezgjatja)

#### Art. 1

Midis ortakeve te siperpermendur u formua shoqeria me pergjegjesi te kufizuar me emrin " A.Bi Esse " sipas aktit te themelimit, me seli ne Tirane, ne rrugen Tefta Tashko P.22/1 Shk.1 Ap.1.

#### Art. 2

Shoqeria ka per objekt te aktivitetit te saj:

- Prodhimin, perpunimin dhe transformimin e cdo artikulli te kerkuar nga tregu i brendshem ose i jashtem ( industrial, ushqimor, etj ).

- Tregtimin me shumice dhe pakice te cdo artikulli te kerkuar nga tregu.

~~AKTIVITET~~ Aktivitet import-eksporti per vete ose per te tretet.

- Pjesemarrje direkte ose indirekte ne investime ne fushen e ndertimit, turizmit, transportit, lendeve djegese, bujqesise, prodhimit dhe sherbimit.

~~Te kryeje~~ Te kryeje te gjitha operacionet, me pasuri te tundshme e te patundshme, financiare qe mund te perfshijne dorezani, dhenie garancie ne pergjithesi, perfshire dhe ato reale ne favor te vet apo te te treteve. (Ajo mund te bleje, te shese, te jape me qira, te administroje ose te jape ne administrim prona te ndryshme te tundshme dhe te patundshme).

- Operacione bancare dhe financiare ne te gjitha fushat.

- Konsulence teknike, juridike, ekonomike dhe financiare per investitore shqiptare dhe te huaj.

- Shoqeria mund te bashkepunoje me shoqeri te tjera qe kane te njejtat qellime ose qe kane lidhje me objektin e saj.

- Ajo mund te beje te gjitha ato veprime qe i duken te arsyeshme per zhvillimin e aktivitetit te saj.

### Art. 3

Kohezgjatja e aktivitetit te shoqerise do te jete 30 vjet.

### Art. 4

Kapitali i shoqerise eshte 100.000 Lek, nga te kater ortaket.

Kapitali baze eshte i ndare ne 100 pjese te barabarta me vlere 1.000 Lek secila.

Kontributi i secilit ortak eshte i percaktuar si vijon:

1. Giuseppe Sarvia 25%
2. Luigi Trigari 25%
3. Riko Pilika 25%
4. Robert Dako 25%

### Art. 5

Ndarja e fitmit do te behet sipas kontributit te secilit ortak.

Ne rast te rritjes se kapitalit baze me shtimin e pjeseve te reja, ortaket kane te drejten e pronesise dhe avantazhet mbi pronesine, ne perpjestim me kuoten e tyre ne kapitalin baze.

Rritja e kapitalit vendoset nga Asemblea e Ortakeve, ku marrin pjese te gjitha ortaket e shoqerise, ose te perfaqesuar nga nje person i autorizuar prej tyre.

#### Art. 6

Kuotat janë të transferueshme me shkresë midis të gjalleve, me aprovimin e shumicës së ortakëve. E drejta e parablerjes është e rezervuar për ortakët. Ortaku që dëshiron të tjetërsojë kuotën e vet duhet t'u komunikojë ortakëve të tjerë me leter të porositur, e cila duhet të përmbajë kushtet e shitjes, cmimin dhe gjeneralitetet e blerësit. Ortaku që dëshiron të ushtrojë të drejtën e parablerjes duhet t'u komunikojë ortakëve të tjerë dhe duhet të bëjë blerjen me kushtet e propozimit 30 dite nga marrja e duhet t'ij. Kur disa ortakë dëshirojnë të ushtrojnë të drejtën e parablerjes, kuotat ndahen ndërmjet pretendentëve në përpjesëtim me kuotën që ka secili.

#### Art. 7

Kuotat e kapitalit janë të transferueshme lirisht me trashëgimi.

### KAPITULLI I DYTE

#### ORGANIZIMI DHE ADMINISTRIMI

#### Art. 8

Organi vendimor i shoqërisë është Asemblea e Ortakëve. Çdo Ortak merr pjesë në vendimet e asamblese dhe disponon një numër votash të barabartë me pjesën e kapitalit baze që zoteron.

Një ortak mund të ngarkojë një person tjetër të votojë në emër të tij për një pjesë të kapitalit baze duke votuar vete për pjesën tjetër të kapitalit baze.

Asemblea mund të mbledhet me kërkesën e çdo ortaku, nga administratorët, ose nga likuiduesi.

#### Art. 9

Mbledhjet e Asemblese mund të jenë të zakonshme dhe të jashtëzakonshme, sipas rëndësisë së vendimeve. Asembletë e zakonshme vendosin me shumicë votash për çështje si emërtimi ose pushimi nga puna i administratorëve të jashtëm, i ekspertëve kontabel të autorizuar dhe i likuiduesve, aprovimin e raporteve të administrimit, ndarjes së fitimit, etj.

Asembletë e jashtëzakonshme vendosin për çështje si ndryshimet në statut, prirja ose pakesimi i kapitalit baze, transferimi i pjesëve të kapitalit baze të tretëve, prirja e kohezgjatjes së aktivitetit të shoqërisë, ose likuidimi i saj, ndryshimi i llojit të shoqërisë nga shoqëri me përgjegjësi të kufizuar, në një formë tjetër shoqërie të parashikuar nga ligji, në formën e kërkuar nga ligji.

#### Art. 10

Vendimet e Asemblese, qofte e zakonshme ose e jashtezakonshme, te marra konform ligjit, aktit te themelimit dhe statutit te kesaj shoqerise, si dhe akteve te tjera te shoqerise, jane te detyrueshme per te gjithë ortakët edhe kur nuk jane te pranishem ose nuk jane dakort.

#### Art. 11

Asemblea, qofte e zakonshme ose e jashtezakonshme, mblihet nga organi administrativ nepermjet nje letre te porositur me lajmerim marrjeje cila permban vendin, ditën dhe orën e mbledhjes si dhe rendin e dites. Letra duhet t'u dergohet ortakëve te pakten tete dite perpara mbledhjes, ne vendbanimin e tyre. Lajmerimi mund te permbaje edhe ditën e mbledhjes se dyte te mundshme. Asemblea mund te mblihet edhe jashte selise se saj. Asemblete do te quhen te rregullta edhe ne mungese te lajmerimit formal, kur te jete i pranishem ose i perfaqesuar i gjithë kapitali i shoqerise dhe te jene te pranishem te gjithë administratorët dhe revisorët, kur jane te emeruar.

#### Art. 12

Asemblete e zakonshme mblihen te pakten nje here ne vit per aprovimin e bilancit, gjashte muaj nga mbyllja e periudhes ushtrimore. Ne assemble kane te drejte te marrin pjese te gjithë ortakët e rregjistruar ne librin e ortakëve perpara dates se mbledhjes. Cdo ortak mund te perfaqesohet me mandat, i cili do te mbetet ne aktet e shoqerise, por gjithmone brenda limiteve te parashikuara nga ligji.

Asoje ortak nuk mund te perfaqesoje me shume se dy te tjere, cilado qofte shkalla e pjese marrjes se tij ne shoqeri.

#### Art. 13

Shoqeria administrohet nga administratori i vetem Raf Pilika. Administratori ka te gjitha kompetencat te kryeje, perballe te treteve, te gjitha veprimet ne interes te shoqerise dhe per llogari te saj, qe perputhen me objektin e shoqerise, pervec atyre qe per kete statut dhe per ligj jane kompetence e Asemblese se Ortakëve.

Asemblea e Ortakëve vendos kompetencat dhe detyrat e administratorit.

Administratori eshte personalisht pergjegjes sipas statutit, perballe shoqerise dhe perballe te treteve, per shkeljen e statutit ose per krime te tjera te kryera gjate administrimit te shoqerise prej tij.

Kontrolli i shoqerise behet nga nje ekspert kontabel i autorizuar, i emeruar per tre vjet rresht, i rizgjedhshem. Ai zgjidhet nga mbledhja e asamblese.

Pushimi nga puna i ekspertëve kontabel te autorizuar vendoset ne te njejtat kondita te emerimit te tyre, ne rast kur vihen ne gabime ne punen e tyre, gje qe ben te pamundur kryerjen e punes.

#### Art. 14

Per punetoret qe do te punesohen ne kete shqeri aplikohen te gjitha aktet ligjore dhe nenligjore te nxjerra per kete qellim, duke bere kontrata pune me secilin prej tyre per nje periudhe kohe te caktuar. Paga e punes nuk ka kufi, por nuk mund te jete me e vogel se ajo e vendosur nga Vendimet specifike te Keshillit te Ministrave.

### KAPITULLI I TRETE

#### RELATAT EKONOMIKO-FINANCIARE

#### Art. 15

Viti financiar fillon me 1 janar te cdo viti dhe mbaron me 31 dhjetor, me perjashtim te vitit te pare te aktivitetit.

Llogaritjet vjetore, inventari, raportet dhe operacionet e vitit financiar, dhe raportet e vecanta te administratorit dhe eventualisht te ekspertit kontabel te autorizuar, aprovohen nga Asemblea e Ortakeve.

#### Art. 16

Aprovimi i bilancit dhe dokumentacionit te aktivitetit vjetor behet brenda muajit mars te vitit pasardhes.

Pas aprovimit te llogarive vjetore dhe pasi shihet qe ekziston fitimi, Asemblea e Ortakeve vendos pjesen qe i perket secilit ortak ne formen e ndarjes se fitimit.

Fitimi qe do t'i ndahet ortakeve ne perpjestim me pjeset qe perbejne kapitalin baze, eshte i perbere nga fitimi i vitit financiar, te cilit i hiqet shuma e lene me nje ane per fondin e rezerves se domosdoshme, gjithashtu i shtohen ose i hiqen fitimet ose humbjet e viteve te meparshme.

Llogarite ekonomike dhe ato kontabel regjistrohen ne LEK ose ne valute.

Aktiviteti ekonomik regjistrohet ne baze te akteve ligjore dhe nenligjore te dala per kete qellim dhe bazohet ne aktivin ose pasivin qe pasqyrohet detyrimisht ne bilancet e plotesuara nga ekspertet kontabel, te cilet jane pergjegjes para ligjit per punen e tyre.

Art. 17

Shoqeria, me qellim qe te lehtesoje dhe te beje me te shpejte pagimin e te treteve, do te hape ne nje banke, shqiptare ose te huaj, te njohur nga shteti shqiptar, nje llogari rrjedhese.

KAPITULLI I KATERT

SHPERNDARJA DHE LIKUIDIMI

Art. 18

Ne perfundim te kohes se parashikuar ne kontraten themeluese te shoqerise, shtyrja e afatit behet vetem me vendim te Asemblese se Ortakeve.

Shoqeria nuk shperndahet kur nje nga ortaket falimenton, behet i paafte ose vdes. Ajo shperndahet kur mbaron afati i parashikuar dhe ortaket nuk bien dakort per shtyrjen.

Shoqeria mund te nderrohet ne nje tip tjeter shoqerie te parashikuar nga ligji, ne formen e kerkuar nga ligji.

Shoqeria mund te shperndahet edhe me vendim te gjykates, kur ekzistojne motive gjyqesore.

Art. 19

Shoqeria hyn ne likuidim nga momenti qe vendoset shperndarja e saj. Per fillimin e ketij operacioni Asemblea e Ortakeve emeron nje likuidues, i cili prezanton raportin e likuidimit, gjendjen e aktivitetit ose pasivitetit te shoqerise, proceduren e operacionit te likuidimit dhe kohen e nevojshme per mbylljen e tyre.

Ne fund te operacionit te likuidimit, Asemblea vendos me shumice votash bilancin perfundimtar mbi mbylljen dhe likuidimin e shoqerise.

Pas pageses se kreditoreve dhe pas shperndarjes se kapitalit baze cdo ortaku, likuiduesi ndan midis ortakeve kapitalin e mbetur, ne propjestim me kuoten qe ka secili ne kete kapital.

Art. 20

Te gjitha mosmarrveshjet qe mund te lindin nga ekzekutimi i ketij statuti dhe i aktit te themelimit gjate ekzistences se shoqerise, gjate zhvillimit te aktivitetit, apo gjate likuidimit, qe nuk do te zgjidhen me mirekuptim midis paleve, do t'i kalojne per gjykim Gjykates se Rrethit Tiranes.

Art. 21

Ne te njejten menyre do te zgjidhen edhe moskuptimet midis punonjeseve te punesuar ne kete shoqeri dhe vete Shoqerise ose ne

relatat me te tretet, pervec rasteve kur ne kontrate parashikohet ndryshe.

### URDHERESA TE PERGJITHSHME

#### Art. 22

Per sa nuk parashikohet qarte ne kete statut, do t'i referohet Kodit Civil dhe ligjit mbi "Shoqerite Tregtare", si dhe ligjeve te tjera te kesaj fushe.

#### Art. 23

Ky statut shtypet ne pese kopie, te cilat do t'i shperndahen organeve kompetente, ndersa njera do te qendroje pjese perberese e dokumentacionit te kesaj shoqerie.

Statuti u lexua, dhe pasi u gjet konform vullnetit te pjeseve, u nenshkrua prej tyre.

### P R O N A R E T

1. Giuseppe Sarvia    2. Luigi Trigari    3. Riko Pilika    4. Robert Dako

REPUBLIKA E SHQIPERISE  
MINISTRIA E DREJTESISE  
NOTERIA E TIRANES

Nr. 7415 rep

Nr. 940 kol

### V E R T E T I M

Vertetohet se sot, me date 14. 08. 1995 u paraqiten ne Zyren e Noterise se Tiranes zoterinjte Giuseppe Sarvia, Luigi Trigari, Riko Pilika, Robert Dako, ne moshe madhore, me fuqi te plote juridike per te vepruar, te cilet me deklaruan qe nenshkruan statutin e siperpermendur me vullnet te plote. Une, noteri, pasi u sigurova per identitetin e tyre nepermjet pasaportave personale, vertetoj nenshkrimin e tyre.



N O T E R E

Shpresa Kurti